

VII PREMIO DE INVESTIGACIÓN SOBRE O CAMIÑO DE SANTIAGO E DAS PEREGRINACIÓN S - 2024

Co obxectivo de fomentar o coñecemento histórico e actual do Camiño de Santiago e das Peregrinacións, así como a promoción e difusión dos valores a eles asociados nas súas diferentes facianas, cumprindo deste xeito cos fins da Cátedra Institucional do Camiño de Santiago e das Peregrinacións da USC, a Vicerreitoría de Transformación Dixital e Innovación resolve convocar o **VII Premio de Investigación sobre o Camiño de Santiago e as Peregrinacións 2024**, nos seguintes termos

1.- DESTINATARIOS/AS

Poderán presentarse a estes premios todos/as os/as investigadores/as de nacionalidade española ou estranxeiros/as que teñan publicado durante **o ano 2023** un traballo en formato de libro de autoría individual e/ou colectiva, ou defendido unha tese de doutoramento, que tivera como tema de estudo o Camiño de Santiago ou as Peregrinacións baixo diversos aspectos (históricos, culturais, xeográficos, turísticos...).

É condición inescusable para seren aceptados a consideración polo xurado, que o traballo non teña obtido ningún premio anteriormente.

Non poderán ter a condición de beneficiario/a as persoas nas que conorra algunha das circunstancias establecidas na Lei 9/2007, de 13 de xuño, de Subvencións de Galicia.

2.- PREMIO

Outorgarase un único premio en metálico de **1.000 € (mil euros)**, e financiarase con cargo á partida orzamentaria da Cátedra Institucional do Camiño de Santiago e as Peregrinacións para o exercicio 2024, Nº 5075 4326 22900, para libros publicados con ISBN e teses de doutoramento inéditas, que irá acompañado do correspondente diploma acreditativo.

No caso de que houbera máis de un traballo premiado, o importe do premio repartirase en partes iguais para cada un deles.

Poderán presentarse en calquera idioma, pero de vir noutro diferente ás linguas oficiais da USC, deberán estar acompañados dun resumen de máximo 5000 palabras en galego, castelán ou inglés.

No caso de que o xurado considere que ningún dos traballos presentados acada un nivel axeitado, poderase declarar o premio deserto.

3.- SOLICITUDES

As solicitudes presentaranse a través do rexistro electrónico da USC (<https://sede.usc.es/sede/publica/persoais/registroEntrada/acceso.htm>) mediante o procedemento “solicitud xenérica”, e dirixiranse á Vicerreitoría de Transformación Dixital e Innovación. No asunto deberá indicarse “VII Premio de Investigación sobre o Camiño de Santiago e as Peregrinacións 2024” e acompañarase a solicitude dos seguintes documentos:

- Copia do Documento Nacional de Identidade ou pasaporte (agás estudantes, profesores e investigadores da USC).
- Copia do traballo publicado ou da tese de doutoramento. No caso de que o tamaño supere a capacidade permitida, deberá indicar un enlace ao repositorio que permita a súa descarga.
- No caso de presentar unha tese, certificación académica oficial coa cualificación da mesma (agás que fóra defendida na USC).
- Un resumo do traballo ou a tese de máximo 5000 palabras en galego, castelán ou inglés, no caso de que non estea redactada nun dos idiomas oficiais da USC.
- Declaración responsable indicando que o libro ou a tese non obtivo ningún premio anteriormente (ANEXO I).
- Declaración responsable de non concorrer con algunha das circunstancias establecidas na Lei 9/2007, de 13 de xuño, de Subvencións de Galicia. (ANEXO I)
- Autorización á Cátedra do Camiño de Santiago e das Peregrinacións da USC para someter o traballo/tese a programas antiplaxio (ANEXO I).

As persoas que non sexan quen de usar o rexistro electrónico poderán presentar a solicitude e documentación de xeito presencial na oficina de asistencia en materia de rexistros do Campus de Santiago de Compostela (Colexio San Xerome, Praza do Obradoiro s/n, 15782, Santiago de Compostela), na oficina de asistencia en materia de rexistros do Campus de Lugo (Biblioteca Intercentros, 27002 Lugo), ou naqueles lugares establecidos no artigo 16 da Lei 39/2015, de 1 de outubro, de procedemento administrativo común das administracións públicas.

Ao remate do prazo de presentación de solicitudes publicarase unha lista provisoria de solicitantes admitidos/as e excluídos/as.

Os/as aspirantes excluídos/as, disporán dun prazo de **cinco (5) días hábiles**, contados a partir do día seguinte ao da publicación desta, para poder emendar os defectos que motivaron a exclusión.

No caso das teses de doutoramento premiadas, a dirección da Cátedra resérvase o dereito de publicación en formato libro, previa autorización do autor.

4.- PRAZO DE PRESENTACIÓN DE SOLICITUDES

O prazo de presentación abrirase ao día seguinte da publicación da presente convocatoria no taboleiro electrónico da USC e pecharase **aos dous meses** da publicación.

5.- XURADO DE SELECCIÓN

O xurado do presente premio estará formado polo director da cátedra, os dous co-directores da cátedra e, se se estima oportuno, por ate dous asesores designados polo director da cátedra en función da lingua na que se presenten os textos.

- Criterios de valoración:
 - A orixinalidade do traballo (25%)
 - As novidades das súas achegas ao coñecemento dos temas estudados (25%)
 - A actualidade e calidade da súa metodoloxía (25%)
 - As calidades formais dos textos: calidade da redacción, xeito de presentar e estruturar a información e calidade do aparato gráfico, caso de existir (15%)
 - A bibliografía citada (10%)

- Fallo do xurado:

O xurado poderá realizar unha análise automatizada de control da vulneración de dereitos da propiedade intelectual. A partir desa análise, se o xurado observa que se vulneraron os citados dereitos desestimaré o traballo presentado sen prexuízo da responsabilidade en que se poda incorrer.

Ditarase resolución co fallo do xurado a través da correspondente resolución, e publicarase no taboleiro electrónico da USC.

Os/as aspirantes aos premios disporán dun prazo de **cinco (5) días hábiles**, contados a partir do día seguinte ao da publicación desta resolución para presentar alegacións.

Transcorrido este prazo ditarase resolución definitiva coa concesión dos premios.

A entrega do premio farase polos responsables da cátedra en acto público durante a celebración do *seminario Leccións Xacobeas Internacionais da USC* ou similar, organizado pola cátedra, no transcurso de cuxas sesións o premiado presentará ao auditorio o traballo premiado.

Todos os actos derivados da presente convocatoria publicaranse no taboleiro electrónico da USC así como polos medios que se estimen oportunos.

A participación no concurso implica necesariamente a aceptación do que se expón nestas bases.

Contra esta resolución, que esgota a vía administrativa, poderá interpoñerse recurso contencioso-administrativo ante o xulgado do contencioso-administrativo de Santiago de Compostela no prazo de dous meses a contar desde o día seguinte á súa recepción, de conformidade cos artigos 46 e 8.2.a) da Lei 29/1998, do 13 de xullo, reguladora da xurisdición contencioso administrativa.

Non obstante, as persoas interesadas poderán interpoñer recurso potestativo de reposición no prazo dun mes ante o órgano que a ditou. Neste caso non se poderá interpoñer o recurso contencioso-administrativo anteriormente indicado en tanto non recaia resolución expresa ou presunta do recurso administrativo de reposición, ao abeiro dos artigos 123 e seguintes da Lei 39/2015, de 1 de outubro, de procedemento administrativo común das administracións públicas.

Santiago de Compostela, na data de sinatura.

Gumersindo Feijoo Costa

Vicerreitor de Transformación Dixital e Innovación

(por delegación de competencias, RR. do 21 de abril de 2022, modificada por RR do 26 de setembro de 2023)

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

ANEXO I. DECLARACIÓN RESPONSABLE E AUTORIZACIÓN ANTIPLAXIO
VII PREMIO DE INVESTIGACIÓN SOBRE O CAMIÑO DE SANTIAGO E
DAS PEREGRINACIÓN S - 2024

Nome:	DNI:
Universidade:	
Titulación:	
Título do traballo:	
Titor/a/Director/a:	

DECLARACIÓN RESPONSABLE

DECLARO BAIXO A MIÑA RESPONSABILIDADE:

- Que todos os datos reflectidos na solicitude presentada son certos, podendo ser requiridos polo xurado do premio en calquera momento do procedemento para a súa comprobación.
- Que o traballo/tese presentado é orixinal e inédito e non obtivo previamente ningún premio.
- Que non incorro en ningunha das circunstancias establecidas no artigo 10* da Lei 9/2007, de 13 de xuño, de Subvencións de Galicia, que impidan ter a condición de beneficiario/a.

AUTORIZACIÓN PROGRAMAS ANTIPLAXIO

- Autorizo someter o traballo/tese a programas antiplaxio.

E para que conste e para os efectos oportunos, asino este documento en de de 2024.

Sinatura:

* **Lei 9/2007, do 13 de xuño, de subvencións de Galicia:** Artigo 10.-Requisitos para obter a condición de beneficiario ou entidade colaboradora.

1. Poderán obter a condición de beneficiario ou entidade colaboradora as persoas ou entidades que se atopen na situación que fundamenta a concesión da subvención ou nas que concorran as circunstancias previstas nas bases reguladoras e na convocatoria.

2. Non poderán obter a condición de beneficiario ou entidade colaboradora das subvencións reguladas nesta lei as persoas ou entidades nas que conorra algunha das circunstancias seguintes, salvo que pola natureza da subvención se exceptúe pola súa normativa reguladora:

- a) Ser condenadas mediante sentenza firme á pena de perda da posibilidade de obter subvencións ou axudas públicas.
- b) Solicitar a declaración de concurso, ser declarados insolventes en calquera procedemento, acharse declarados en concurso, salvo que neste adquirise a eficacia un convenio, estar suxeitos a intervención xudicial ou ser inhabilitados conforme a Lei concursal, sen que conclúa o período de inhabilitación fixado na sentenza de cualificación do concurso.
- c) Dar lugar, por causa da que fosen declarados culpables, á resolución firme de calquera contrato suscrito coa administración.
- d) Estar incurso a persoa física, os administradores das sociedades mercantís ou aqueles que exerzan a representación legal doutras persoas xurídicas nalgún dos supostos de incompatibilidades que estableza a normativa vixente.
- e) Non acharse ao corrente no cumprimento das obrigas tributarias ou fronte á Seguridade Social ou ter pendente de pagamento algunha outra débeda coa Administración pública da Comunidade Autónoma nos termos que regulamentariamente se determinen.
- f) Ter a residencia fiscal nun país ou territorio cualificado regulamentariamente como paraíso fiscal.
- g) Non acharse ao corrente de pagamento de obrigas por reintegro de subvencións nos termos que regulamentariamente se determine.
- h) Ser sancionado mediante resolución firme coa perda da posibilidade de obter subvencións segundo esta lei ou a Lei xeral tributaria.

Non poderán acceder á condición de beneficiarios as agrupacións previstas no segundo parágrafo do apartado 3 do artigo 8 desta lei cando conorra algunha das prohibicións anteriores en calquera dos seus membros.

3. En ningún caso poderán obter a condición de beneficiario ou entidade colaboradora das subvencións reguladas nesta lei as asociacións incursas nas causas de prohibición previstas nos apartados 5 e 6 do artigo 4 da Lei orgánica 1/2002, do 22 de marzo, reguladora do dereito de asociación.

Tampouco poderán obter a condición de beneficiario ou entidade colaboradora as asociacións respecto das que se suspendeu o procedemento administrativo de inscrición por atoparse indicios racionais de ilicitude penal, en aplicación do disposto no artigo 30.4 da Lei orgánica 1/2002, en tanto non recaia resolución xudicial firme en cuxa virtude poida practicarse a inscrición no correspondente rexistro.

4. As prohibicións contidas nas letras b), d), e), f) e g) do apartado 2 e no apartado 3 deste artigo apreciaranse de forma automática e subsistirán mentres concorran as circunstancias que, en cada caso, as determinen.

5. As prohibicións contidas nas letras a) e h) do apartado 2 deste artigo apreciaranse de forma automática. O alcance da prohibición será o que determine a sentenza ou resolución firme. Na súa falta, o alcance fixarase de acordo co procedemento determinado regulamentariamente, sen que poida exceder de cinco anos no caso de que a prohibición non derive de sentenza firme.

6. A apreciación e o alcance da prohibición contida na letra c) do apartado 2 deste artigo determinaranse de acordo co establecido no artigo 21, en relación co artigo 20.c) do texto refundido da Lei de contratos das administracións públicas, aprobado polo Real decreto lexislativo 2/2000, do 16 de xuño.

7. A xustificación por parte das persoas ou entidades de non estar incursos nas prohibicións para obter a condición de beneficiario ou entidade colaboradora, sinaladas nos apartados 2 e 3 deste artigo, poderá realizarse mediante testemuño xudicial, certificados telemáticos ou transmisións de datos, de acordo co establecido na normativa correspondente ou mediante certificación administrativa, segundo os casos. O dito documento poderá ser substituído por unha declaración responsable.

Sinatura dixital / Firma digital / Digital signature

Asinante/Firmante/Signer: GUMERSINDO FEIJOO COSTA, VICERREITOR DE TRANSFORMACION DIXITAL E INNOVACION, UNIVERSIDAD DE SANTIAGO DE COMPOSTELA, 31/01/2024 21:55:24.

CSV: A80B-1AA8-4C6A-9CB2